

LAS TRES NARANXINAS DEL AMOR

Nun país de fuera, hai muitos años, había unos príncipes que lu tenían todú. Buenu, todú non, porque taban rodeaos de xentes mui probes, colas roupas esmendrayadas, sin zapatos ya sin tener qué comer. Un día, el fíu de los príncipes faló colos padres, pa ver si ente todos yeran quienes a acabar con aquel.la miseria. Acordanon poner duas fontes: una que diera vinu ya la outra, aceite. Tamién s'acordó que los cocineros de palacio fixeran pan pa todos ya'l zapateru del rei, zapatos pa todos. Sólo había una condición: que cada vecín que fora a las fontes namás podía facer un viaxe al día.

Pero había una muyer maliña que yera <<La bruxa del monte>>, que foi dos veces a la fonte'l vinu, ya cuando yá marchaba, bien cargada, tropezóu nuna piedra ya cayéronse al suelu el.la ya'l vinu. El príncipe, que taba viendo todú estú desde'l palacio, ríase a nun poder más ya entós el.la enfadóuse toda ya embruxoulu a nun volver rise nunca más hasta que diera col árbol de <<Las naranxinas del amor>>. El príncipe taba tan triste que los padres ensillánon-y un caballu ya él foise pa ver si topaba l'árbol dichosu...

Llegóu a un pueblu mui ricu, ande taban tolos güertos mui bien atendios ya había unos árboles con unas frutas bárbaras. Garróu d'un naranxu las tres naranxas más guapas ya emprendió'l camín de regresu. Pero quedóu sin comida ya decidió pulgar una naranxa; salió d'el.la una princesa que-y dixo:

- Dame agua, que me muero de sed.

Ya desaparecéu. El príncipe siguió'l camín ya quiso beber ya pulgóu la segunda naranxa ya también salió d'el.la una princesa:

- Dame agua, que me muero de sed.

Ya como él nun tenía agua pa da-y también se foi.

Entos pensóu:

- Como nun me queda más q'una, voi abrilu cuando tea a la vera un ríu, pa poder da-y de beber a la princesa ya ver sin entós m'esparna la bruxa...

Ya asina foi. La princesa nun desaparecéu al tener agua pa beber, el príncipe volvió rise ya fonon los dos mui felices xuntos.

